

**Ullumikkut inuusuttut 25-t inorlugit ukiullit qanoq amerlatigisut ilinniagaqarnissamut imaluunniit suliffeqarfimmut piareersimaneridik nalunaarsuisumik nassuiaammik Naalackersuisut EM12-imut saqqummiussequsaanissaat pillugu Inatsisartut aalajangiussassaattut siunnersuut. Tamatuma saniatigut inuusuttunik sanioqqunneqaannarnissamik aarleqquteqarfiusunik Piareersarfinni iliutsimik suliarineqarsinnaasumik aaqqissuussinissamut anguniagaqartitsinissamullu periarfissanik nassuiaat misissuisariaqarpoq.**

### **Akissutitut allakkiaq**

(Inuusutissarsiornermut Aatsitassaqaqarnermullu Naalackersuisoq)

### **Aappassaanneerera**

Nunatsinni inuusuttunik sanioqqunneqaannarnissamik aarleqquteqarfiusunik nalunaarsuisussamik nassuiaasiortoqarnissaanik Inatsisartuni Kultureqarnermut, Ilinniartitaanermut, Ilisimatusarnermut Ilageeqarnermullu ataatsimiititaliap isumaqatigiissutigalugu innersuussutigisaanut qujarusuppunga.

FM2012-imi aprilip 19.-anni siullermeernerani aalajangiussassatut siunnersuutip akuersarneqarnissaa pillugu politikkikkut siamasissumik isumaqatigiinneqarpoq, siullermeernerata kingornatigut aalajangiussassatut siunnersuut Inatsisartut Kultureqarnermut, Ilinniartitaanermut, Ilisimatusarnermut Ilageeqarnermullu ataatsimiititaliaani suliarineqarsimalluni.

Inuusuttut 25-t inorlugit ukiullit qanoq amerlatigisut ilinniagaqarnissamut imaluunniit suliffeqarfimmut piareersimaneridik nalunaarsuisumik nassuiaasiornissamik siunertaqartutut siunnersuut aamma inuusuttunik sanioqqunneqaannarnissamik aarleqquteqarfiusunik Piareersarfinni iliutsimik suliarineqarsinnaasumik aaqqissuussinissamut anguniagaqartitsinissamullu periarfissanik misissuisariaqartoq ataatsimiititaliap isumaqarpoq.

Aammattaaq Piareersarfinni iliutsimik suliarineqarsinnaasumik aaqqissuussinissamut anguniagaqartitsinissamullu periarfissat pillugit siunnersuutigisatut misissuinissaq aamma inuusuttunut ilinniagaqartitsinermi suliffeqartitsinermilu iliuserisassap takkuttussap qanoq pingaarnersiorneqassaneranut assorsuaq pingaaruteqarsinnaasortaaq ataatsimiititaliap isumaqarpoq.

Ataatsimiititaliap siunnersuut Inuusutissarsiornermut ataatsimiititaliamut tusarniaassutigisimavaa, tassanngaanniillu ataatsimiititaliap siunnersuutip piviusunngortinnissaanik isumaqartoq nalunaarutigineqarpoq.

Kultureqarnermut, Ilinniartitaanermut, Ilisimatusarnermut Ilageeqarnermullu Ataatsimiititaliap innersuussutigisaa Naalackersuisut tapersersorpaat matumuunalu siunnersuutip akuersissutigineqarnissaanik Inatsisartut aalajangiussinissaannut innersuussillutik.